

ХЭН ЗЭМЭТЭЙБ?

Минии хүбүүн Баяр Москвагай дээдэх һургуулиин оюутан болохон байгаа. Москва албанай хэрэгээр ошоходоо, хүбүүнэйнгээ байдаг хамтын байрада хүрэжэ, үүдьең татан ороходомни, арадай ажахын институтда һурадаг Жаргал (Баярай нүхэр) вахтёрой хажууда һуужа һууба.

— Өө, амар сайн, Жаргал! Хэниие хүлеэжэ һуунабши? — гэжэ һонирходомни:

— Баяртай уулзахаяа ерээб,— гэбэ.

— Тээд Баяр байрадаа үгы гү?

— Баярай гаража ерэхье хүнөөр захиулааб. Өөрөө орохогүйб,— гэжэ һулахан хоолойгоор хамар доорохоноо хэлэбэ.

— Шамайе юундэ оруулнагүйб? Эндэхи журам эбдээл хаш?

— Үгы, тиимэ бэшэ. Түрэлхи хэлэеэ мэдэдэггүйнөө боложо, иимэ ахир байдалда оронхойб,— гэбэ.

Хүбүүнэй харюуе даб гээд ойлгожо ядахадаа, саашань һонирхобоб:

— Түрэлхи хэлэеэ мэдэдэг хүниие оруулдаг гуримтай болонхой юм гү?

Жаргал амандаа уха балгаһандал, аниргуй байнаай һүүлээр:

— Үгы дөө, шалтагаанинь ондоо... һая Баяртаа ерээд, хоорондоо ородоор зугаалдажа һуубабди. Баяртай хамта байдаг кубинец Рауль орожно ерэхээр асууба: — Хоёр буряад уулзаһан аад, юундэ ородоор зугаалдана гээшэбтэ?

— Би буряад хэлэеэ мэдэдэггүй хүм,— гэжэ сэхэ руунь хэлэбэб.

Рауль урдааам хаб хара нюдөөрөө хараад:

— Түрэлхи хэлэеэ мэдэдэггүй аад, юундэ өөрыгөө буряад яһатан гэнэбши? — гэхэн хатуухан асуудал табиба. Буряад хэлэеэ мүнөө болотор мэдэнгүй ябаһан ушараа ойлгуулха гэжэ дэмы оролдобоб. Рауль намайе шагнахашье

дурагүй байжанаа мэдүүлээ һэн. Һүүлдэнь үдэшэхэдөө:

— Жаргал, манайда дахинаа ерэхэдээ, буряад хэлэеэ мэдэхэ болоод ерээрэй! — гээ һэн.

www.nomoihan.com